

ՆԷՆ ապրեցուցիք, զի կալեալս կապեալս տարցուք յԱղուանս¹ ի գործ կալազործութեան գաղատոս որմաշէնս պիտոյից մերոց քաղաքաց, ապարանից եւ այլոց պիտոյից: 13 Այլ իբրեւ եկին հասին մերծեցան ի միմեանս գունդքն երկոքեան Յունացն եւ Պարսիցն, եւ հանդերձեալք խառնել ընդ միմեանս, ինքնին թագաւորն Յայոց Պապ վառեցաւ կազմեցաւ պատրաստեցաւ, եւ կամեցաւ ի ճակատ ելանել: 14 Ապա չառնոյր զայն նմա յանձն Տերէնտն զաւրավարն Յունաց, թէ ի ճակատ մտցէ². այլ ասէ. Թագաւորն Յունաց զմեզ վասն քո յղեաց, եթէ երթայք զնա պահեցէք. արդ իցէ՞ թէ քեզ դէպ ինչ տայցէ, մեք զմեր թագաւորն որո՞վ երեսաւք տեսանեմք, կամ զի՞նչ տայցեմք նմա պատասխանի. եթէ իցէ՞ եւ մեք աստի առանց քո ապրեցուք եւ առ մեր թագաւորն հասանեմք, եւ լինիցիմք այնուհետեւ զխապարտք առաջի մերոյ թագաւորին: 15 Այլ արա դու, արքայ, զոր մեք ասեմք քեզ, ա՛ն դու զեպիսկոպոսապետդ Յայոց զՆերսես, եւ ել նիստ ի վերայ Նպատ լերինն յամուր եւ յանկասկած տեղուջ, եւ սուրբ արքեպիսկոպոսապետն Ներսես արասցէ աղաւթս եւ ինդրեսցէ ի Տեառնէ, զի Տեր տացէ մեզ գյաղթութիւն: 16 Եւ ի բարձունէն Նայեցիս, եւ տեսչիր զջան վաստակոց պատերազմին մերոյ զբաշուութիւն եւ զվատութիւն, զոր առաջի քո գործեսցեն:

17 Ապա թագաւորն Պապ հաւանեցաւ բանիցս այսոցիկ. առ ընդ իւր զմեծ քահանայապետն Ներսես, եւ ելաներ նստեր ի վերայ Նպատական լերինն. եւ ամենայն զաւրքն Յունաց եւ Յայոց իջանէին ի տեղի պատերազմին: 18 Ապա եկն եւ զաւրավարն սպարապետն Յայոց Մուշեղ, եւ եբեր զնշանսն իւր եւ զզենն առ Ներսես եպիսկոպոսապետն, զի արհեստեցէ զնա, եւ իջցէ ի պատերազմ: 19 Եւ ի ժամանակին յայնմիկ յիշեաց թագաւորն Պապ զիին զրոյցսն, եւ ասէ. Յիշեցի ես զայն, զի բարեկամ է Մուշեղն թագաւորին Պարսից Շապիոյ: 20 Ո՞չ այդ այն Մուշեղն է, որ արձակեաց զկանայս թագաւորին Պարսից Շապիոյ հանդերձ ժանուարաւք եւ վաշտկանաւքն. եւ լուեալ եւս է իմ թէ՛ ի Պարսիկս խաւսի. արդ մի՛ մտցէ դա ի ճակատ:

21 Ապա զաւրավարն Յայոց Մուշեղ բարեխաւս առնէր առ թագաւորն Պապ զմեծ քահանայապետն Ներսես: 22 Իսկ թագաւորն Պապ ասէ ցեպիսկոպոսապետն Ներսես, թէ մի՛ լինիր դու բարեխաւս. զի իբրեւ իջանէ, ի զաւրսն Պարսից անկանի: 23 Իսկ նա եւս քան զեւս յաճախեր մատուցանել զբարեխաւսութիւնն: 24 Իսկ թագաւորն, քանզի բանիւ ինչ ոչ անցաներ զնորա ի ժամանակին յայնմիկ, ասէ ցՆերսես. Կամք քո կատարեսցին: 25 Բայց նախ երդումն տուր յաջ քո, զի մեզ մի՛ ստեսցէ, եւ ապա արձակեսցիր ի պատերազմ: 26 Ապա կոչեն զՄուշեղ զառաջեաւ արքային, եւ եկն եպագ երկիր

1 Յօրինակի միում յԱղուանս: Այլք՝ յաղթանս

2 Օրինակ մի յաւելու՝ արքայն Պապ